

Tuanku Abdul Halim Minta Pelabur Republik Czech Rebut Peluang Pelaburan Di Malaysia
Bernama
05 Julai, 2012

KUALA LUMPUR, 5 Julai (Bernama) -- Yang di-Pertuan Agong Tuanku Abdul Halim Mu'adzam Shah meminta pelabur dari Republik Czech supaya mengambil kesempatan terhadap peluang pelaburan di Malaysia khususnya yang ditawarkan di bawah Program Transformasi Ekonomi.

Baginda bertitah ketika Malaysia dan Republik Czech mencapai tahap kerjasama yang ketara namun masih ada ruang untuk dipertingkatkan khususnya dalam sektor ekonomi.

"Dalam hal ini, Forum Perdagangan dan Pelaburan Malaysia-Republik Czech esok sempena lawatan negara (Presiden Vaclav Klaus) sebenarnya kena pada masa. Kami harap delegasi perniagaan Czech dan sektor swasta Malaysia akan menerokai bidang baharu dalam kerjasama ekonomi dan peluang antara kedua-dua negara demi manfaat bersama," titah baginda.

Baginda bertitah demikian pada majlis jamuan negara di Istana Negara malam ini sempena lawatan negara lima hari Klaus ke Malaysia.

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=678401>